

蘇魏公文集卷二十三



內制

詔書

賜新除門下侍郎劉摯辭免
源捐送國子監
賜孫固辭免轉官知樞密院不允詔

賜新除中大夫守中書侍郎傅堯俞辭免恩

命不允詔

賜通議大夫新知亳州鄧温伯不允辭免

閣直學士詔

卷二十三

一

賜新除中大夫守中書侍郎傅克俞辭免

恩命不允詔

賜殿前副都指揮使武康軍節度使劉昌祚

獎諭詔

賜外任臣寮進奉謝恩馬詔

賜太師平章軍國重事文彥博四上札子陳

乞致仕示諭詔

賜戶部尚書呂公孺乞致仕不允詔

賜保寧軍節度使知大明府馮京上表乞致

仕不允詔

賜西蕃邈川首領河西軍節度使阿里骨進

奉回詔

賜御史中丞梁燾辭免兼侍讀不允詔


賜知大名府馮京進奉興龍節馬并冬節馬

詔

賜侍衛親軍步軍副都指揮使徐州觀察使

知渭州劉舜卿進奉賀冬節并賀正

馬詔



原件短缺

賜保寧軍節度使知大名府馮京再上表乞

致仕不允詔

賜保寧軍節度使知大名府馮京辭免加恩

不許詔

賜新除護國軍山南西道節度使守太師開

府儀同三司河中興元尹潞國公文

彥博辭免兩鎮恩命不允詔

賜新除護國軍山南西道節度使守太師開

府儀同三司河中興元尹潞國公文

詔書

賜新除門下侍郎劉摯辭免恩命不允詔

勅劉摯省所札子奏辭免恩命事具志卿敏識周才

宣力中外自預義政屢告嘉謀南省西臺動為故事

擢君東植時乃次遷惟茲喉舌之司益重腹心之寄

亟就厥位毋煩固辭所請宜不允故茲詔示想宜知

志

賜孫固辭免轉官知樞密院事不允詔

勅孫固省所札子奏辭免恩命事具志卿向在先朝

嘗摠綏宥委柄去位于茲累年暨寧東臺又復踰歲
老臣之德中外式瞻還長西樞乃原旧職本兵之政
方矜遠猷辭遽之言無煩至再所請宜不允故茲詔
示想宜知悉

賜新除大夫中守中書侍郎傅堯俞辭免恩
命不允詔

勅堯俞省所札子奏辭免恩命事具悉卿德器人流
久推士論四朝綿歷荐著事功其在班聯竅為耆白
朕高選近輔預政西臺無若汝宜遂命以位剡車來

上畏寵為言已諒乃誠宜毋固避所請宜不允故茲
詔示想宜知悉

賜通議大夫新知亳州鄧溫伯不許辭免
恩命學士詔

勅溫伯省所奏蒙恩授龍圖閣學士乞賜寢罷事具
悉卿文苑宿名禁林旧望服哀去位中禫終喪往分
譙社之符仍進義畜之序始優耆哲均重輔藩遽上
奏對過自退託矧久勞于侍從固宜厚于寵章其即
欽承以副眷待所請宜不允故茲詔示想宜知悉冬

寒卿比平安好遣書指不多及

賜新除中大夫守中書侍郎傅堯俞辭免恩

勅堯俞省所再上札子奏辭免恩命事具悉中書政

本大命所基自非通才莫稱斯任以卿有忠嘉之論
士議所歸使之預丞弼之謨僉言惟允矣自退託欲
避寵榮雖由尔衷殊昧朕意已行之命宜即欽承所
請宜不允故茲詔示想宜知悉

賜殿前副都指揮使武康軍節度使劉昌祚

獎諭詔

勅昌祚樞密院奏勘會卿前任涇原路經畧安撫使
奏請經營措置奉行朝旨專切置局根括打量到隴
山一帶及安化縣復置弓箭手地上并招刺印到人
馬事眷彼隴山控于平夏異時疆場之警介在夷虜
之衝卿向以武才出按邊瑣圍上方畧奉行新書到
封畛既明平乘斯復遂俾戎亭之境永無區脫之虞
依尔有勞紓我西略故茲獎諭想宜知悉

賜外任臣寮進奉謝恩馬詔

勅某省所進奉謝恩馬投某官并賜月俸公使馬共
四匹事具悉卿初拜恩綸言輸貢物惟是右牽之駿
用將致遠之誠再者忠勤不忘嘉嘆故茲詔示想宜
知悉冬寒卿比平安好遣音書指不多及

賜太師平章軍國重事文彥博四上札子陳

乞致仕示諭詔

勅彥博省所四上札子陳乞致仕事具悉朕慕服之
初任賢固舊以御躬富道德昔有勲勞輔相我祖
宗位冠羣后思見其風采自別京尊以上公委之

重務謀謨四載終始一心方有賴于耆明乃屢辭于
事任雖詔書敦諭對見面言而不奪之誠久而稱萬
浩然之志固難必留扁以氣候凝寒道途涉遠深虞
偃薄靡遂使安姑俟及于春和即議以于所欲尚宜
勉強以副優隆故茲詔示想宜知悉

又詔

勅彥博覽所四上札子陳乞致仕事具悉卿仁祖
之旧相社稷之元臣位冠台司勲在王室成功謝事
士望尤高向特起于燕居俾輔成于初政忠言密議

固多軍國之謀請老告歸臺有封章之邈不轉之志
其堅若山雖駟馬安車當遠里閭之佚而增冰積雪
尚艱道路之 須及中春議從所欲姑躰至眷尚安
厥居故茲詔示想宜知悉

賜戶部尚書呂公孺乞致仕不允詔

勅公孺可省上表伏望檢會前奏乞致任事具悉地
官之長省務尤繁爰擇時髦總領邦計卿朝之旧老
世載忠規尹政王畿早聞治效均節財用實竚猷為
何遽引年遂欲謝事士有致于為政雖嘉乃誠時方

藉于耆明難从所欲姑安職業用副眷毗所請宜不
允故茲詔示想宜知悉

不許詔

勅公孺覽所上表伏望檢會前奏許致任其悉卿公
卿華胄經濟通才宣力四方藹然治績典司六職摠
攸邦財心計有聞齒髮矍壯何屢陳于奏牘遂欲去
于閭里雖援摠祀經良嘉止足而益埤王事方賴老
成尚安厥居以副予意所請宜不許故茲詔示想宜
知悉

賜保寧軍節度使知大名府馮京上表乞致

仕不允詔

勅馮京省所上表為年七十陳乞致仕事具志古者
大夫有還政傳家之禮時之元老乃同心一軀之臣
進退之間豈限常隔矧卿年耆德茂為近著之表儀
位重任隆守北門之管鑰顧惟都會之地方賴保釐
之功何為抗章遽欲謝事雖懷謙知止深嘉明哲之
風而尚舊美未軀朝廷之意惟勉遵于事守副委
屬于予衷所請宜不允故茲詔示想宜知悉春寒卿

比平安好遣書指不多及

不許招

勅馮京覽所上表為年七十陳乞致仕事具志卿擢
甲科于仁祖之世輔大政于先皇之朝文物典
章載于臺閣號令平采布于藩宣方提節制之師外
委北門之管年德兼茂軀力素強何嫌而上封引禮
而告老雖嘉知止之分未副任矣之方尚專精神務
適醫藥坐鎮樂俗綏安遠邇克終遠猷時乃嘉績可
請宜不許故茲詔示想宜知悉春寒卿比平安好遣

書指不多及

賜西蕃邈川首領河南軍節度制阿里骨進

奉回詔

勅阿里骨省所差人進奉事具悉卿保有封域作我
翰垣遠致風宜入充貢式言念傾輸之志良增眷獎
之懷卿所進生金乳香象牙珊瑚瑪瑙等各依例估
價就整回賜錢銀綵絹故茲詔示想宜知悉春寒卿
比平安好遣書指不多及

賜御史中丞梁燾辭免兼侍讀不允詔

勅梁燾省所奏蒙恩除兼讀伏望特寢誤恩事具悉
卿文館旧美士林偉望立朝多補衮之益執憲有直
繩之風朕登用者儒入助講學闕疑資訪方殷延緒
墨之才俞往汝諧難徇桓彭之遜往祇成命傾竚嘉
言可請宜不允故茲詔示想宜知悉

賜知大名府馮京進奉具危節馬并冬節馬

詔

勅馮京省所進奉具危節馬一十匹冬并節馬二匹
事具悉卿中鉉者英北門重寄向屬天正之序繼臨

星渚之辰載梓材駒入充貢式嘉乃傾輸之意益深
注想之怀故茲詔示想宜知悉春暄卿比平安好遣
書指不多及

賜侍衛親軍步軍副都指揮使徐州觀察使

知渭州劉彞卿進奉賀冬節并賀正馬詔

勅彞俞省所進奉賀冬并賀正馬各一匹事具悉正
至稱觴遐遐效貢嘉乃帥垣之長載羨地產之良遠
致連編益彰忠蓋故茲詔示想宜知悉春暄卿比平
安好遣書指不多及

賜保寧軍節度使知大夫名府馮京再上表

乞致仕不允詔

勅馮京省所再上表陳乞致仕事具悉貴德尚齒先
王之令猷入輔出藩大臣之常職朕尊優者哲委任
事為輟卿坐鎮于朔陞彼倍才安于善教何乃徇大
夫之礼必欲致為政而歸在進退之間然願簡注之
宜異難以所守當体茲怀毋或重言以煩多訓所請
宜不允故茲詔示想宜知悉春寒卿比平安好遣書
指不多及

不許詔

勅馮京覽所再上表陳乞致仕事具悉卿文學政事
名重于朝廷器識不謀功深于巖壑方委北門之管
摠臨中冀之區何冀厭于事權屢請還于印紱雖引
年避位良高止足之風而經遠殿邦茲賴耆明之望
再披章牘深諒亮沖謙宜休至懷尚安厥職所請宜
不允故茲詔示想宜知悉春暄卿比平安好遣書指
不多及

賜保寧軍節度使知大名府馮京辭免加恩

不允詔

勅馮京省所上表辭免加恩事具悉昨者宗祀禮成
神籙施普惟卿先帝樞衡之舊方守北門管鑰之
嚴雖不在顯相待祠之班而遠修公侯助祭之式加
地進律固宜先于庶工遜爵辭封何遽形于需奏時
乃常典毋煩多言其軀至懷亟成服命所請宜不允
故茲詔示想宜知悉春暄卿比平安好遣書指不多
及

不許詔

勅馮京覽所上表辭免加息事具悉惟我弼臣為國
良翰九筵宗祀雖不與陪祠之勤四海載來抑亦有
助祭之貢禮成之慶恩數有常其在臣工咸均于况
况施矧鄉旧老何疑而遜辭毋持過謙其即祇命可
請宜不許故茲詔示想宜知悉春暄卿比平安好遣
書指不多及

賜新除護國軍山南西道節_度御史守太師開
府儀同三司河中興元潞國公文彥博辭
免兩鎮恩命不允手詔

省所札子奏辭免兩鎮恩命止以本官致任事具悉
卿四朝重望七紀高年朝廷之所仰成夷夏之所
向浩然歸志確然莫由閔勞以幾政之煩俾遂其燕
居之適三公典冊兩鎮節_度皆所以尊禮帝師褒顯
耆哲雖非外庭大臣之比抑有先朝念舊之思矧卿
謝事而歸佚老宜異比之將相之任朕固無權寵之
為嫌何其過謙乃欲辭避宜悉茲意亟對徽章所請
宜不允付彥博

不許手詔

卷二十三

十三

覽所札子奏辭免兩鎮恩命止以本官致任事具志
爵位崇高在禮宜加于異數公師進退推恩抑有于
隆名矧卿德齒之尊職秩之重弼亮四世終始一心
告老之章凡數十上優優矣之命恨無以加故以蒲
梁之節旄俾光伊洛之里第况有前比固非過私毋
煩遜辭宜即膺受所請宜不許付彥博

賜新除護國軍山南西道節度使守太師開
府儀同三司河中興元尹潞國公致任文
彥博辭免冊禮允詔

勅彥博省所札子奏今以舊官致任乞免行事冊禮
具悉名位不同禮亦異數上公之行冊命蓋有旧儀
來奏之辭寵章碩如前請自非趨向之高遠渠能遜
懇之再三省閱之餘嘉嘆無已所請宜免故茲詔示
想宜知悉

許詔

勅彥博覽所札子奏今以旧官致任乞免行事冊禮
事具悉國家尊上公之秩為帝者之師命數有加冊
禮尤重六登上哀三拜維垣再致為致而歸懇避臨

軒之寇良嘉謙德特徇至懷所請宜許故茲詔示想
宜知悉

賜保寧軍節度使知大名府馮京三上表陳
乞致仕不允斷來章詔

勅馮京省所三上表陳乞致仕事具悉貴德尚齒帝
王所以禮高年尊矣任能朝廷所以圖舊德矧在耆
哲時方仰成致為臣而歸卿固欲潔去就之分煩官
職之事朕亦思得忠嘉之謨雖屢閱于封章必難从
于雅志卿亦深軫眷意勿忘公家保釐我朔都鎮綏
我邊裔死輕進退益茂猷為今差人內侍省東頭
供奉官勾當內東門司馮世寧賜卿詔書及茶藥各
一銀合至可領也所請宜不允仍斷來章故茲詔示
想宜知悉春暄卿比平安好遣書指不多及

不許詔來章詔

勅馮京覽所三上表陳乞致仕事具悉公卿大臣中
外所屬進退之際去就非輕朕閑無事則或許引年
任重有守則難言佚老矧卿年耆德茂名大位尊論
旧則輔翼于先朝語寄則居留于朔甸雖欲自便諒

非所安三復來章徒覺致懇尚當体朝廷之意豈在
言筋力之勞勉安旧邦宜俾後請令差入内、待省
東頭供奉官勾当内東門司馮世寧賜卿詔書及茶
葉各一銀合至可領也所請宜不許仍断來章故茲
詔示想宜知悉春暄卿比平安好遣書指不多及

賜皇弟賀礼畢答詔

勅某王朕遵先王之旧章躬季秋之大享祇見上帝
配嚴称官方竣事于路朝遙披文于奏幅再嘉謹礼
益喜早成

賜在外公主賀禮畢答詔

勅某人陽館親祠遠送釐于神飭榮封上奏慶已事
于宗祈嘉彼懿親率由礼則披省之際褒嘆在懷

賜内中公主賀礼畢答詔

勅某公主朕即明堂布政之宮辰嚴父配天之礼荐
裸斯畢神人以和汝適在幼齡習聞盛典露章祗慶
率礼宜嘉

賜吳楚國安仁吳壽夫人張氏賀礼畢答詔
勅某氏比者卜秩之季吉日惟辛益享帝親既燔牲

玉宮庭之旧儀典惟詳馳上慶馭深嘉能事

賜貴妃苗氏以下賀禮畢答詔

勅某氏早事先朝著表儀于宮禁違茲宗祀載順美
於封章形于溫綈之詞見乃恪恭之範省閱于再褒
尚尤多

賜內中慶國夫人竇氏以下賀禮畢答詔

勅某氏奠玉合宮親展壬三年之祀貽彤內屬恪居
衆職之先邁此休成普同贊喜再披來奏益顯盡恭
賜內中左右直御侍中郎君掌賓王氏已下

賀禮畢答詔

勅某氏等早序禁庭克勤內職宗祀方行于鉅典慶
成爰上于封章再披贊美之詞茲見恭勤之意

蘇魏公文集卷二十三

蘇魏公文集卷二十四

內制

勅書

賜五臺山寺僧正省奇已下獎諭勅書

賜前兩府并待制以上知州初冬衣襖勅書

賜諸路知州職司及提管鈐轄至使臣衣襖

勅書

賜諸路蕃官及溪洞蠻人初冬衣襖勅書

賜諸路屯駐泊就糧本城諸軍員僚等初

卷二十四

冬衣襖勅書

賜于闐國進奉勅書

賜于闐國示諭勅書

賜于闐國男進奉勅書

賜西南蕃程以途等進奉勅書

賜南平王李乾德加恩制誥勅書

賜西南蕃龍以利等進奉勅書

賜西蕃邈川首領河西軍節度使阿里骨加

恩制誥詔勅書

賜知渭州劉昌祚等進奉助明堂馬詔勅書

賜南平王李乾德曆日勅書

賜外任臣寮進奉坤成節功德疏詔勅書

賜溪洞進奉賀明堂并興龍節及冬至溪布

勅書

賜知大名府馮京進奉賀明堂禮畢馬詔勅書

賜徐州觀察使知渭州劉彞卿進奉賀明堂

禮畢馬詔勅書

賜五臺山十寺僧正省奇已等進奉興龍新

正正功德疏獎諭勅書

賜溪洞進奉賀元祐二年三年四年興龍節

端午冬溪布勅書

批答

賜新除右光祿大夫知樞密院事孫固辭免

恩命不允 新來章批答

賜新除守門下侍郎依前中大夫劉摯辭免

恩命不允 新來章批答

賜新除護國軍山南西道節度使守太師開

府儀同三司河中興元尹潞國公致

仕文彥博上第二表辭免兩鎮恩命

不允 新來章批答

賜新除中大夫守尚書左丞韓忠彥辭免恩

命不允 新來章批答

賜門下侍郎孫固上第二表乞致仕不允 新

來章批答

賜新除扈前副都指揮使武康軍節度使劉

昌祚上第一表辭免恩命不允批答

賜新除中大夫同知樞密院趙瞻辭免恩命

不允新來章批答

賜新除中大夫守尚書右丞許將辭免恩命

不允新來章批命答

勅書

賜五臺山寺僧正省奇以下獎諭勅書

勅五臺山十寺僧正奇省等覽所進奉坤成節功德
既等事具志春彼仁慈真茲臺岳集慶門之清衆祝
誕日以延洪載閱數封良嘉誠懇今賜省奇等紫僧
衣一對絹二十疋故茲獎諭想宜知悉秋熟各比清
休否遣書指不多及

賜前兩府并待制以上知州初冬衣襖詔勅
書

勅某清風戒寒獻良裘而在御途臣守位殿藩服以
方勤禦茲霜律之嚴宜有衣章之賜既安且燠益休
予衷今賜卿翠毛細錦袷襪一領至可領也故茲詔
示想宜知悉冬安卿比平安好遣書指不多及

賜諸路知州戡司及提管鈐轄至使臣衣襖

勅書

勅某肅祇朝寄外恪官歲式臨寒律之用初錫功裘
之寵服茲純鹿毋憚凝嚴今賜汝紫羅錦袷襪一領
至可領也故茲詔示想宜知悉冬寒汝比好否遣書

指不多及

賜諸路蕃及溪洞蠻人初冬衣襖勅書

勅某汝恪居邊土祇服朝經爰及歲寒特加時賜寵
被纁繒之鹿益勤忠順之方賜汝方勝練鵲大錦袷
襪一領至可領也故茲詔示想宜知悉冬寒汝比好
否遣書指不多及

賜諸路屯駐泊就糧本城諸軍員寮等初

冬衣襖勅書

勅某州諸軍員寮等冬律方升良裘始獻爰念扞城

之旅特推賜服之恩被此衣章毋忘固國今賜汝等
初冬衣襖餘從宣命指揮故茲詔示想宜知悉冬寒
汝等各比好否遣書指不多及

賜于闐國進奉勅書

勅于闐國黑汗王省所差人進奉某物事具悉卿守
在西陲心馳上闕爰遣梯山之使荐修任土之儀深
諒乃誠不忘予意所進到物色今就整回賜錢二百
貫文馬依估價回賜錢五千貫文以浙絹充並交付
差來大使黎撒囉瞻征等至可領也故茲詔示想宜

知悉秋熟卿比平安好遣書指不多及

賜于闐國示諭勅書

勅于闐國王國黑汗王省所差人來進奉大使黎撒囉
瞻征等進奉到某物事具悉卿遠馳信介入覲王庭
效川琛岳貢之勤厚地產風宜之品特隆報賜用答
忠嘉黎撒囉瞻征等進奉到上件物今依估價就整
回賜錢一萬五千貫文故茲詔示

賜于闐國男進奉勅書

勅于闐國黑汗王男丙令沛根省所差人進某物件

其志汝夙稟教忠深勤向化因使人之來勤展方物
以勤勤省闕之餘嘉祿在念所進到物色今就整回
賜錢五十貫至可領也故茲詔示

賜西南蕃程以途等進奉勅書

勅程以途省所附進馬二疋粘二領事具悉汝世守
封疆心馳象魏歷涉遠道來貢風宜載認忠勤良多
歎尚令回賜汝紅中錦夾衫襪腰帶衣着至可領也
故茲示諭想宜知悉冬寒汝比好否遣書指不多及

賜南平王李乾德加息制誥勅書

勅南平王乾德近以秋季仲辛祿元祀禮成太室
澤被綿區眷言分土之臣不懈勤王之職純誠益著
信賞攸先加地進封載隆命數永神之惠采厲忠規
今差使臣齋卿加息制誥付廣西經畧司令于界首
就賜到可祇受兼賜卿國信物等具如別錄至可領
也故茲詔示想宜知悉冬寒卿比平安好遣書指不
多及

賜西南蕃龍以利等進奉勅書

勅龍以利省所附進馬二疋朱砂二十兩粘二領事

具悉汝守封遐域向義中華款塞來庭效忠修貢忠
勤弗替嘉歎良深今回賜汝紅中錦夾袴襪一領八
兩渾金渡銀腰帶一條衣著一十五疋至可領也故
茲示諭想宜知悉冬寒卿比好否遣書指不多及

賜西蕃邈川首領河西軍節度使阿里骨加

恩制誥詔勅書

勅阿里骨國家講禮九筵獲奉帝親之享大賚四海
用廣神明之休乃眷世臣宿勤貢賤爰推祭澤寵進
官儀當体至懷即欽成命今賜卿制誥到可祇受故

茲詔示想宜知悉冬寒卿比平安好遣書指不多及

賜知渭州劉昌祚等進奉助明堂馬詔勅書

勅昌祚等所進奉助明堂馬五十疋事具悉宗祀配
天國家之大事朕來助祭臣子之至誠乃眷守藩之
良勤修任土之式載觀厥貢深諒尔衷故茲詔示想
宜知悉冬寒卿等各平安好遣書指不多及

賜南平王李乾德曆日勅書

勅南平王乾德朕克謹天戒敬授人時眷乃炎陬被
我聲教奉若新書之誥遵修嗣歲之宜率俾提封共

知叶紀今賜卿元祐五年曆日一卷至可領也故茲
示諭想宜知悉冬寒卿比平安好遣書指不多及

賜并任臣寮進奉坤成節功德疏詔勅書

勅韓鎮覽所進奉坤成節功德疏一軸銀軸頭事具
悉卿任分守土義功愛君秋令協時適紀誕彌之慶
真乘演法遠輸善祝之誠披閱嘉歎不忘予意故茲
詔示想宜知悉冬寒卿比平安好遣書指不多及

賜溪洞奉進賀明堂并興龍節及冬正溪布

示諭勅書

勅彭儒武省所進奉明堂賀并興龍節及冬正溪布
共六十疋事具悉汝介居商土向慕華風越川陸之
修塗展歲時之方貢忠勤備至歎尚不忘故茲示諭
想宜知悉冬寒汝比好否遣書指不多及

賜知大明府馮京進奉賀明堂禮畢馬詔勅

書

勅馮京省所進奉明堂禮畢馬二匹事具悉近以
禮行太室澤霈綿區荷上神益况之仁繫羣后職來
之助卿齒之耆哲外守都圻不忘象闕之心遠致材

駒之貢省閱之際法想尤深故茲詔示想宜知悉冬
寒卿比平安好遣書指不多及

賜徐州觀察使知渭州劉彞卿進奉賀明堂

禮畢馬詔勅書

勅彞卿者可進奉賀明堂禮畢馬五疋事具悉近以
宗祀合宮布澤綿宇乃眷藩方之列固多朕助之勤
逮此慶成允修貢式益彰愛恪良用嘉稱故茲詔示
想宜知悉冬寒卿比平安好遣書指不多及

賜五臺山十寺僧正省奇等進奉興龍節新

正功德既獎諭書

勅五臺山十寺僧正省奇等者可進奉興龍節并新
正功德既等事具悉通屆誕辰繼臨嗣歲眷靈山之
淨市演築土之真文延祝稱勤嘉嘆于再今賜省奇
等紫帽一對絹二十疋故茲獎諭想宜知悉冬寒各
比清休否遣書指不多及

賜溪洞進奉賀元祐二年三年四年興龍節

端午冬溪布勅書

勅向永勝省可進奉賀元祐二年三年四年興龍節

端午冬節淡布共四十五疋事具悉汝介居疆裔恪
奉朝經歲時之貢不愆風土之宜沓至益堅恭順深
体忠勤故茲示諭想宜知悉春寒汝比好否遣書指
不多及

批答

賜新除右光祿大夫知樞密院事孫固辭免

恩命不允斷來章批答

省表具之卿老成重德久任近司昔在先朝已長樞
柄比圖宿望入踐東臺忠諒之心始終弗替再踐惟

懼方竚遠謀繼上封章懇辭寵命惟朕志之先定矧
成命之已行雖諒由衷抑難從欲所請宜不允仍斷
來章

不許批答

覽表具之樞機之政方籍旧賢之封章之陳欲辭新
命唯卿德業之茂久副士民之瞻表儀近司師僉允
穆母事為謙之守副予注意之隆往服恩徽茲親遠
略所請宜不允仍斷來章

賜新除守門下侍郎依前中大夫劉摯辭免

恩命不允詔斷來章批答

省表具之昔龍箚納言帝命唯允在今台輔之任茲
惟喉舌之司自西省而次遷蓋柄臣之更踐以卿儒
林舊德足以遠繼于古人何其靈奏陳情乃欲固辭
于成命朕言已布謙守難役所請宜不允仍斷來章

不許批答

覽表具之中書政事之本黃門出納之司皆為輔臣
共幹義務以卿文學行義為時宗工更踐二臺宜允
群望矣適持于抑畏乃控露于懇誠雖嘉遜爵之高

難廢出綸之命所請宜不允仍斷來章

賜新除護國軍山南西道節使度守太師開

府儀同三司河中興元尹潞國公致仕文

彥博上第二表辭免兩鎮恩命不許斷來

章批答

省表具之貴德尚齒三代所以事老更加等出封九
九所以尊牧伯卿祖宗輔相朝廷表儀三冠台衡七
換旌鉞故事留于臺閣威名懍于戈夷再陟師垣言
歸里第功名既遠恩禮既宜殊特加三双節之榮以

寵上公之去繼披需奏願襲旧藩雖明哲所得不移
于素守而老成得謝固异于昔時宜体至怀勿復多
避可請宜不許仍断来章

不許批答

覽表具之卿以天下之望輔相祖宗之朝以元老之
猷再起里閭之逸左右初政勤勞五年多士仰之如
著龜朝廷尊之為師保力辞大任復歸舊廬三公職
儀已極師臣之重西鎮旄鉞猶有前詔之加假茲貴
名示以殊礼何封章之屢抗援故事以為言雖遜爵
之誠則然願崇美之礼具异宜無固執亟服新恩所
請宜不許仍断来章

不許批答

覽表具之二輅之任四輔惟均嘗歷選于時材宜莫
如于世德稟金羸之訓諒家學之不忘咏緇衣之詩
乃国人之所好往就厥職毋勞固辞可請宜不許仍
断来章

賜門下侍郎孫固上第二表乞致仕不允断

来章批答

省表具之朕臨御丕圖聿懷先帝疇資近輔思用旧人昨起卿以近藩遂任卿以大政庶幾謀議尚有典刑近屬爽和屢求去位詔書敦勉仍予告以養頤封章繼聞復力言于疲苴初則有謝事引年之請重之以忘公廢禮之憂再味遜辭寔為過慮惟復興之自護副歲月之仰成即俟痊平毋煩懇懇可請宜不允仍斷來章

不許批答

覽表具之卿儒林旧老先帝輔臣重外居多復政未

久偶緣膚腠之病遂有邱園之思屢抗封章堅不回于素守再煩詔諭仍優給予假休復覽需章力言曠事引朝廷之特近弼豈責以筋力之勞而律令之于大臣亦分于予賜之告其少安于燕處毋深念于職憂雖諒至誠難從雅志所請宜不許仍斷來章

賜新除殿前副都指揮使武康軍節度使劉

昌祚上第一表辭免恩命不允批答

省表具之卿早以武才帥于戎閫綏懷羗甯有長轡遠馭之謀鎮靖疆陲得輕裘緩帶之躰錄其邊最名

以銜車授英節于梁洋委親兵于環衛出命惟允何
名以辭即宜拜恩往服厥職所請宜不允

不許批答

覽表具之近以東求環尹慎付節毫旄春彼才臣久
勤戎略督護諸將寬明得于士心綏附三陸威信行
于羗種擢居崇衡允副僉言遽聞奏章固辭恩命惟
嘉所守難即爾從所請宜不許

賜新除中大夫同知樞密院趙瞻辭免恩命

不允斷來章批答

省表具之夫名位不同設官所以峻庶陞歲月累久
序進所以旌勤勞况乎預議樞衡朕所躰親既觀宣
力之效故有加等之遷官次當然尔其毋避所請宜
不允仍斷來章

不許批答

覽表具之國家慎重名器以待美能既得其人乃命
以位卿預本兵之政固有已勞推進秩之恩盖示優
礼宜亟就位毋或過辭所請宜不許仍斷來章

賜新除中大夫守尚書右丞許將辭免恩命

不允斷來章批答

省表具之士之立朝不豈為道朕之注意亦欲仰成
既嘉卿于中外治績之優故任以左右省綱之寄宜
據學緼輔我政幾毋或固辭竝覲遠業所請宜不允
仍斷來章

不許批答

覽表具之卿文學有以高世議論有以過人入輔出
藩多歷年所代言視草再直禁林已觀詳試之能遂
擢丞疑之任何其謙慮欲避罷章体予至懷往欽成

命所請宜不許仍斷來章

蘇魏公文集卷二十四

蘇魏公文集卷二十五

內制

批答

賜太師文彥博辭免恩命不允詔批答

賜文彥博上第二表辭免恩命不允批答

賜李瑋苗授上第一表辭免恩命不允批答

賜平海軍節度使騎馬都尉李瑋上第二表

辭免恩命不允斷來章批答

賜新除中書侍郎傅堯俞辭免恩命不允斷

來章批答

口宣

賜新除中大夫同知樞密院事趙瞻辭免恩

命不允 斷來章批答口宣

賜新除中大夫守尚書左丞韓忠彥辭免恩

命不允 斷來章批答口宣

賜新除中大夫守尚書右丞許將辭免恩 命

不允 斷來章批答口宣

賜皇叔徐王顥生日禮物口宣

賜新除翰林學士蘇轍入院口宣

賜大遼賀坤成節人使銀鈔鑼等口宣

班荆館賜大遼賀坤成節國信使副到闕酒

果口宣

賜皇叔祖宗景巳以下罷散坤成節道場香

酒果口宣

賜殿前副都御史指揮使苗授以下罷散坤

成節道場香酒果口宣

賜駙馬都尉李瑋以下罷散坤成節道場香

酒果口宣

就驛賜大遼賀坤成節入使內中酒果口宣
坤成即就驛賜于闐國進奉人御筵口宣
班荆館賜大遼賀坤成節入使回程酒果口

宣

賜殿前指揮使劉昌祚赴闕沿路茶藥口宣
就驛賜于闐國進奉人朝辭御筵口宣
賜皇弟祁國公偲生日禮物口宣
賜劉昌祚辭免恩命不允批答口宣

送賜劉昌祚辭免恩命斷章批答口宣

送伴賀興龍節使副沿路與賀正旦人使相

見傳宣撫問口宣

送伴賀興龍節使副沿路與接待伴賀正旦使

副相見傳宣撫問口宣

閣門賜平章軍國重事文彥博加恩告口宣

閣門賜宰相呂大防加恩告口宣

閣門賜嗣濮王宗暉郡王宗隱宗愈國公宗

楚宗祐加恩告口宣

閣門賜殿前副都指揮使劉昌祚加恩告日
宣

閣門賜節度李瑋加恩告口宣

白溝驛賜大遼賀正龍節人使御筵并傳宣

撫問口宣

賜太師平章軍國重事文彥博上第一表辭

免恩命不允批答口宣

賜太師文彥博第二表不允斷來章批答口
宣

賜皇伯祖嗣濮王宗暉皇叔祖華原郡王宗

愈安康郡王宗隱鞏國公宗祐鄭國

公宗楚上第一表辭免加恩不允批

答口宣

不允斷來章批答口宣

賜門下侍郎孫固中書侍郎劉贊同知樞密

院事趙瞻尚書左丞韓忠彥右丞許

將上第一表辭免恩命不允斷來章

批答口宣

賜皇弟大寧郡王佖遂寧郡王名咸寧郡王
僕普寧郡王似祁國公偲上第二表
不允斷來章批答口宣

賜殿前副都指揮使劉昌祚保康軍節度使
苗授上第二表辭免恩命不允斷來

章批答口宣

賜平海軍節度使駙馬都尉李瑋上第一表
辭免恩命不允批答口宣

賜皇伯祖嗣汴王宗暉生日禮物口宣

賜太師文彥博乞致仕不允批答口宣

賜文彥博生日禮物口宣

雄州撫問大遼賀興危節使副口宣

趙州賜大遼皇帝賀興危節使副茶藥口宣

賜皇弟遂寧郡王生日禮物口宣

批答

賜太師文彥博辭免恩命不允批答

省表具之朕之祀明堂也蓋奉遵于先憲卿之相仁
祖也預講定于大儀旌加顯相之勞抑有故常之典
眷言元老特峻宸章唯是泛息豈為異數何執謙之
彌固以遜爵而為言雖受命益恭有古矣之茂範而
尊師重傳蓋朕意之所期宜躡至懷即膺褒策所請
宜不允

不許批答

覽表具之古聖王之治天下也貴而貴老所以萬
君親之義而崇忠厚之風卿輔四相朝向用五福謨
明弼諧則皋陶伯益乃其比康寧壽考雖太公衛武
無以加人所具瞻有如燬石爰因大需是用褒尊世
煩謙執之堅深躡眷眄之意可請宜不許

賜文彥博上第二奏辭免恩命不允折來章

批答

省表具之朕嘗觀之周漢書皆有耆老之佐畢公之
弼亮四世桓榮之尊為五更恩禮所加可謂盛矣卿

卿道德名世文武濟時輔相我祖宗遠茲四紀左
在我文母不愧前人因宗祀以推恩蓋白章之當尔
未為异礼夫何足辭雖勤慤之誠見于累牘而神明
之惠難徇至懷宜略謙撝往欽新命可請宜不允仍
折來章

不許批答

覽表具之卿以經緯之高才為廊廟之重器權衡百
職柱石四朝輔成王業如周公奉行故事如魏相功
名兩極恭慎累加近以鴻祀祀成湛恩雲施乃眷元

老再推寵章加進戶封抑惟常典懇辭名級再抗封
章惟欽褒之在懷固循從之莫遂其體隆眷亟往欽
承所請宜不許仍斷來章

賜李瑋苗授上第一表辭免懇命不允批荅
省表具之皆 仁宗之祀明堂也復希闕不講之典
故推恩特異今朕之躬火饗也用郊邱三歲之制故
行慶有常而卿以節制之崇顯相之列增加封食
抑唯旧章胡然遜辭蓋出謙重已行之命宜即欽承
所請宜不允

不許批荅

覽表具之國家敬恭神事祇率旧章三歲親祠禮莫
為重四海來祭物無不共方仲辛之禮成推大澤以
雲布凡百卿士普同慶休矧乃侍唐邦之矣位為節制
之重爰加大命以廣靈運遠觀奏封尚蕪遜避言綸
已布寔罷固難所請宜不許

賜平海軍節度使駙馬都尉李瑋上第二表
辭免懇命不允斷來章批荅

省蒙具之朕祗袂元祀事天承親欽翼温恭備盡誠

孝推廣神惠霈及遐迩以卿外館之親陪祀惟恪增
之邑賦之廣益以真食之多胡然克謙欲遜光寵披
閱來奏不忘嘆加莫遂允俞宜即欽受所請宜不允
仍斷來章

不許斷來章批卷

覽奏具之卿素蘊才猷復朕姻戚早膺節制之寵久
奉內朝之班陪預宗祈勤恭夙夜逮告成于盛禮爰
推錫于渙恩增衍戶封蓋出常典遽閱需章之奏極
陳遜避之辭雖嘉乃誠固難如請可請宜不許仍斷

來章

賜新除中書侍郎傅堯俞辭免息命不允斷

來章批卷

省表具之朕咨用柄臣以輔台德惟矣是任豈計素
資卿歷事四朝早著謨明之效載摠六職屢親典禮
之能右省近司方得君重是宜摠彞于素緼助予宣
布于政條乃執謙搗尚辭冠命姑休至眷亟就新班
可請宜不允仍斷來章

不許斷來章批卷

覽表具之卿早以時望任于顯塗內之臺省之煩外
之州使之剝官力滋久稱譽日聞擢陞右弼之職且
專內史之務贊揚命令寔賴猷為不必固辭重違予
意可請宜不許仍斷來章

口宣

賜新除中大夫同知樞密院事趙瞻辭免恩

命不允斷來章批答口宣

有勅卿自聰基宥屢告謀猷朕嘉尔勞擢進厥位毋
煩固避其即欽承

賜新除中大夫守尚書左丞韓忠彥辭免恩

命不允斷來章批答口宣

有勅卿人地並高才謀已試擢登左轄允叶僉諧其
即欽承用副靈竚

賜新除中大夫守尚書右丞許將推免恩命

不允斷來章批答口宣

有勅卿文雅望隆猷為效著擢其材實實在省綱卿
其勿辭趣宜就職

賜皇叔徐玉顯生日礼物口宣

有勅卿惟升父之尊位冠宗藩之首家自得樂聞
為善之言誕日載臨禮有匪頒之式丕承異數茂集
繁禧

宣召新除內翰林蘇轍入院口宣

有勅卿儒孝名家吳科特起試之左戶已彰周敏之
才擢在內庭更許論思之益亟趣嚴直用副虛懷

賜大遼賀坤成節人使銀鈔鑼等口宣

有勅卿等肅將使指慶誕節之屆辰修講隣歡拜賜
旗而伊始式頒器服之品用助寢興之勤

班荆館賜大遼賀坤成節國信使副到闕酒

果口宣

有勅卿等張旃修聘涉悠道以良勤夙駕趨朝次近
郊而伊始載頒醪核式示眷懷

賜皇叔祖宗景以下罷散坤成節道場香酒

果口宣

有勅卿等國之宗英慶逢誕節集茲乾之勝利祝文
母之永年載誌傾輸特加錫予

賜殿前副都指揮使苗授以下罷散坤成節

道場香酒果口宣

有勅卿等授兵之要宿衛于朝邁崇慶之誕辰演迦文之密義助茲贊祝宜有頒宣

賜騎馬都尉李瑋以下罷散坤成節道場香

酒果口宣

有勅聖母誕辰幅員同慶乃眷列侯之貴共祈萬壽之祥既集勝緣特加蕃錫

就驛賜大遼賀坤成節人使內中酒果口宣

有勅卿等肅馳使乘言戾都亭載惟行李之助特出

醪羞之錫少將恩意式示眷私

坤成節就驛賜于闐國進奉人 御筵口

宣

有勅汝等貢琛向闕就館歷時慶遠載誕之辰禮厚示慈之燕想承恩渥共集勸榮

班荆館賜大遼賀坤成節人使回程酒果口

宣

有勅卿等已竣使事言趣歸程方飲餞於都門宜寵頒于燕品少勤履改式示恩章

賜殿前指揮使劉昌祚赴闕沿路茶藥口宣
有勅卿夙戒輕車遠趨名節惟關河之跋履冒風霜
之淒清特頒茗餌之良用慰道塗之久

就驛賜于闐國進奉人朝辭筵口宣

有勅汝等遠馳駟傳致貢風宜逮茲旋軫之期特有
加邊之惠用勸行李式示恩私

賜皇弟祁國公偲生日禮物口宣

有勅卿以介弟之愛昨諸公之封屬秋仲始生之辰
加康侯庶錫之寵服于恩數增爾壽祺

賜劉昌祚辭免恩命不允批答口宣

有勅卿師帥之才稔于衆聽殿岩之職蓋以次遷雖
嘉避寵之誠難返已行之命

賜劉昌祚辭免恩命新來章批答口宣

有勅提禁夜于殿中分節旄于闐外爰擢才望益付
事權無用回辭以稽成命

送伴賀興龍節使副沿路與賀正旦人使相

見傳宣撫問口宣

有勅卿等張旃入境頓節在塗方區薄于寒風想勤

勞于次舍特加恩喻少恤于行

送伴賀興龍節使副沿路與接伴賀正使

副相見傳宣撫問口宣

有勅卿等講修隣聘馳邁使華適臨凝冽之辰少勤行李之役爰加間勞用慰道塗

閣門賜平章軍國重事文彥博加恩告口宣

有勅合宮辰采已畢帝裡涓日告庭即頒顯冊帝師國老恩數惟優就錫綸函用昭眷禮

閣門賜宰相呂大防加恩告口宣

有勅季秋立吉太室肇禋俞受繁祉需為大澤眷言上宰首舉慶章就賜命書往欽神惠

閣門賜徐王加恩告口宣

有勅朕虔恭大祀對越上神禱祀告成湛恩溥浹眷言叔父之春貴特崇命數之優已告大庭往欽惠渥

閣門賜嗣濮王宗暉郡王宗隱宗愈國公宗

楚宗祐加恩告口宣

有勅總章禋祀俞受純禧端闕頒幣即予霽澤眷宗藩之尊屬加采邑之戶封就賜恩書用昭禮遇

閤門賜殿前副都指揮使劉昌祚加恩告口
宣

有勅祭有大澤以惠庶工乃眷帥臣寵加爵命明庭
大告僉言允諧賜以命書宜即祇受

閤門賜節度李瑋加恩告口宣

有勅竣祠陽館發号雉庭眷言外館之親列在東鉞
之著已頒渥典字告外朝往其欽承副予恩意

白溝驛賜大遼賀興龍節人使 御筵并傳

宣撫問口宣

有勅卿等使傳及闕候人在界眷言跋跣宜安少休
爰錫燕觴用勤行李

賜太師平章軍國重事文彥博上第一表辭

免恩命不允批答口宣

有勅熙事備成中外蒙福眷言冢嗣恩有常均用廣
神休不為异數雖嘉謙抑難即徇從

賜太師文彥博第二表不允折來章批答口

宣

有勅大祀推恩首褒元老需章避罷采認至懷盖惟

神惠之祥自公台而始其即膺受無煩再三

賜皇伯祖嗣濮王宗暉皇叔祖華原郡王宗

愈安康郡王宗隱鞏國公宗祐鄆國公宗

楚上第一表辭免加息不允批答口宣

有勅祭有惠澤命已告庭眷彼宗英進加封戶何其
謙挹而欲遜辭雖嘉乃誠難從所欲

不允斷章批答口宣

有勅訖成大報俞受純禧誕舉慶恩用褒近戚封章
再上謙巽策堅成命已行至誠難徇

賜門下侍郎孫固中書侍郎劉摯同知樞密

院事趙瞻尚書左丞韓忠彥右丞許將上

第一表辭免恩命不允斷來章批答口宣

有勅卿典儀奉祀極齋慎之勤恭益地推恩示神休
之溥博茲惟惠澤矣必遜辭宜即欽承毋稽成命

賜皇弟大寧郡王佖遼寧郡王名咸寧郡王

佖晉寧郡王似祁國公偲上第二表不允

斷來章批答口宣

有勅朕送釐山神瀆澤綿宇方舉褒親之命再觀避

寵之章益諒冲懷難從至請宜即祇受不必再三

賜殿前副都指揮使劉昌祚保康軍節度使
苗校上第二表辭免恩命不允斷來章批

答口宣

有勅近緣宗祀誕布慶恩眷被帥臣朝有褒典再披
奏幅過守謙冲命已告庭理難从欲

賜平海軍節度使騎馬都尉李瑋上第一表
辭免恩命不允批答口宣

有勅霽神之澤礼典具存辭寵之言謙撓乃過惟尔

近戚宜被徽章勿固避辭往即祇受

賜皇伯祖嗣汴王宗暉生日礼物口宣

有勅卿賢世嗣封主大邦之宗事陽文將復紀載誕
之初辰就頒車服之儀用助門閭之慶服茲寵數祝
以壽康

賜太師文彥博乞致仕不允批答口宣

有勅眷惟元老位為師臣忽覽封章復欲去位矧方
倚重至無多言

賜太師文彥博生日礼物口宣

卷二十五

七

有勅帝師國宰誕日載臨尊酒燕有龍頰加厚体茲
春禮續尔壽祺

雄州撫問大遼賀兵龍節使副口宣

有勅卿等隣邦修好使傳在塗方涉江寒少休次舍
想惟安遠深副眷懷

趙州賜大遼皇帝賀興龍節使副茶葯口宣

有勅卿等修塗于邁華傳良勳春方冒于風霜命往
頒于茗餌節宣其氣茲有助焉

賜皇弟遂寧郡王生日礼物口宣

有勅春彼維我之貴時予同氣之親良月就盈初生
在旦備物加賜俾壽而昌

光緒戊子湖州陸
心源捐送國子監
之書匱臧南學

蘇魏公文集卷二十五

